



CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luís Seoane - 15008 A CORUÑA - Telf.: 981 18 59 02 - 981 18 59 03



Alcalde Presidente do Concello
A Picota, s/n
15256-MAZARICOS

Aos efectos oportunos comunícolle que reunido con data 12 de xullo de 2001 o Xurado Provincial de Montes Veciñais en Man Común da Coruña, acordou dicta-la seguinte resolución:

"Reunido o 12 de xullo de 2001 o Xurado Provincial de Montes Veciñais en Man Común da Coruña, baixo a presidencia do delegado da Consellería de Medio Ambiente, D. Higinio J. Sánchez-Rodilla Fuentes, coa asistencia dos vocais, Dona Josefa Fernández Fernández, xefa do Servicio de Montes e I.F., D. Alfonso Vázquez-Castro Garma, letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, e da secretaria, Dona Ana María Díaz López, xefa do Servicio Xurídico da Delegación Provincial da Consellería de Medio Ambiente, para estudar e resolve-lo

Expediente: 356
Monte: De Lamasapín
Comunidade: Lamasapín
Parroquia: Chacín
Concello: Mazaricos

ANTECEDENTES DE FEITO:

1º. Diversos veciños do lugar de Lamasapín, parroquia de Chacín, concello de Mazaricos, solicitaron con data 09.07.1999 deste Xurado, a declaración como veciñal do expresado lugar, do monte arriba citado e que ten as seguintes características:

Superficie: 34,70 Ha.
Lindeiros:

É parte do monte Pedroso, Val, Sixto e outros, 103-I do C.U.P.
NORTE: Propiedades particulares de Mazaricos e Lamasapín, desde o piquete 1 do deslindamento ata o 11, seguindo a orde de piquetes. LESTE: Valado de terra que o separa de propiedades particulares de veciños de Lamasapín, desde o piquete 11 ata o 25 seguindo a orde de piquetes. SUR: Monte dos veciños de Val, por unha liña recta trazada desde o piquete 25 ao 66. OESTE: Co monte Aro, desde o piquete 66 ao 71 seguindo a orde de piquetes, e deste ao piquete 1.

2º. Á vista de tal solicitude, o Xurado, na súa reunión do 17.11.1999, acordou inicia-lo oportuno expediente, nomeándose como Instructor del a D. Alfonso Vázquez-Castro Gama, quen aceptou expresamente o dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Muros, oídas tódalas persoas, organismos e corporacións interesadas, expedíndose mandamentos a tal fin dirixidos ó alcalde-presidente do concello de Mazaricos, ó xefe do Servicio de Montes e I.F. e publicándose edictos no D.O.G. (nº 83 de 02.05.2000), taboleiro de anuncios do concello e lugares de costume.

3º. Os veciños de Lamasapín fundamentan a súa petición ante o Xurado Provincial de Montes Veciñais en Man Común en que viñan aproveitando de forma consuetudinaria en réxime de comunidade sin asignación de cotas, segundo os usos e costumes, o monte correspondente a dito lugar. Presentan copia dun documento privado de partición de cupos do ano 1923, no que xa aparecen referencias á existencia de dito monte veciñal. Esta petición é informada favorablemente polo acordo do pleno do concello de Mazaricos de data 27.12.1996.

Finalizado o período de publicación de Edictos, non houbo alegación algunha contra o presente expediente.

4º. Na tramitación destas actuacións cumpríronse as formalidades legais e regulamentarias, esixidas principalmente pola Lei 13/89, do 10 de outubro, de montes veciñais en man común, e o seu Regulamento de aplicación aprobado polo Decreto 260/92, do 4 de setembro, ambos da Comunidade Autónoma de Galicia, Lei de procedemento administrativo e demais disposicións aplicables ó caso.

FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer deste expediente en virtude do disposto nos artigos 9 e 10 da Lei 13/89, do 10 de outubro, de montes veciñais en man común.

2º. De conformidade co contido do artigo 11 da citada Lei e 19 do Regulamento, aprobado polo Decreto 260/92, do 4 de setembro, os veciños de Lamasapín, parroquia de Chacín, concello de Mazaricos, son parte lexítima para solicita-la iniciación do presente expediente de calificación.

3º. Para a súa calificación como veciñal en man común, o monte debe reunir as seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sen asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con casa aberta dentro da área xeográfica sobre a que se asenta o grupo social que tradicionalmente aproveitou o monte (artigos 1, 2 e 3 da Lei 13/89 e 1, 2 e 3 do Regulamento do 4 de setembro de 1992).

4º. Das actuacións obrantes no expediente, e en especial da comprobación do que se expresa no punto anterior, dedúcese que no presente caso nos encontramos cun monte pertencente á comunidade veciñal do lugar de Lamasapín, parroquia de Chacín, no que se cumpren os aludidos requisitos.

Por iso, éste Xurado, á vista dos antecedentes e fundamentos de dereito expostos, por proposta do Instructor,

ACORDA calificar como monte veciñal en man común, da comunidade do lugar de Lamasapín, parroquia de Chacín, concello de Mazaricos, o denominado monte De Lamasapín, cos lindeiros, superficie e características que figuran no antecedente primeiro. Asimesmo, acordase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Medio Ambiente da Coruña'.

Contra esta Resolución poderase interpoñer recurso de reposición con carácter potestativo ante o Xurado Provincial de Montes Veciñais en Mano Común da Coruña no prazo DUN MES ou recurso contencioso administrativo ante o Tribunal Superior de Xustiza de Galicia no prazo de DOUS MESES, contados desde o día seguinte ó da recepción da presente comunicación, segundo o disposto na Lei 4/1999, de modificación da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

A Coruña, 22 de xullo de 2001


Vº e Pr.
O PRESIDENTE DO XURADO,

Asdo. Niginio J. Sánchez-Rodilla Fuentes

A SECRETARIA DO XURADO,

Asdo. Ana María Díaz López





PLANO DEL DESLINDE DEL MONTE
 "PEDROSO, VAL, SIXTO Y OTROS"

Nº 103-I

AYUNTAMIENTO DE MAZARICOS
 PARROQUIA DE CHACIN

ESCALA 1:5000

	PUBLICA	ENCLAVADAS	TOTAL
1º Perimetro	92,4250 Hs.	2,0250 Hs.	94,4500 Hs.
2º Perimetro	226,4950 Hs.	4,6875 Hs.	231,1825 Hs.
3º Perimetro	59,0000 Hs.	59,0000 Hs.	59,0000 Hs.
TOTALES	377,9200 Hs.	6,7125 Hs.	384,6325 Hs.

Observaciones para el deslinde:
 - Se ha considerado el terreno que aparece en el plano como terreno de dominio público.
 - Se ha considerado el terreno que aparece en el plano como terreno de dominio particular.
 - Se ha considerado el terreno que aparece en el plano como terreno de dominio común.
 - Se ha considerado el terreno que aparece en el plano como terreno de dominio privado.
 - Se ha considerado el terreno que aparece en el plano como terreno de dominio estatal.
 - Se ha considerado el terreno que aparece en el plano como terreno de dominio municipal.
 - Se ha considerado el terreno que aparece en el plano como terreno de dominio provincial.
 - Se ha considerado el terreno que aparece en el plano como terreno de dominio nacional.
 - Se ha considerado el terreno que aparece en el plano como terreno de dominio internacional.